

重阳节诗

1.
深秋绝塞谁相忆，木叶萧萧，乡路迢迢，六曲屏山和梦遥。佳时倍惜风光别，不为登高，只觉魂销。南雁归时更寂寥。——纳兰性德《采桑子·九日》
2.
初服栖穷巷，重阳忆旧游。门闲谢病日，心醉授衣秋。酒尽寒花笑，庭空暝雀愁。今朝落帽客，几处管弦留。——钱起《九日闲居寄登高数子》
3.
净境重阳节，仙游万乘来。插萸登鹞岭，把菊坐蜂台。十地祥云合，三天瑞景开。秋风词更远，窃抃乐康哉。——樊忱《奉和九月九日登慈恩寺浮图应制》
4.
破村寥落过重阳，独自撚宁葺草房。风捲红蕉仍换叶，雨淋黄菊不成香。野猿偷栗重窥户，落雁疑人更绕塘。他日若修耆旧传，为予添取此书堂。——皮日休《秋晚自洞庭湖别业寄穆秀才》
5.
汉文皇帝有高台，此日登临曙色开。三晋云山皆北向，二陵风雨自东来。关门令尹谁能识，河上仙翁去不回。且欲近寻彭泽宰，陶然共醉菊花杯。——崔曙《九日登望仙台呈刘明府》
6.
何必龙山好，南亭赏不暌。清规陈侯事，雅兴谢公题。入座青峰近，当轩远树齐。仙家自有月，莫叹夕阳西。——朱湾《重阳日陪韦卿宴》

7.
茱萸房重雨霏微，去国逢秋此恨稀。目极暂登台上望，心遥长向梦中归。
。荃蘼路远愁霜早，兄弟乡遥羨雁飞。唯有多情一枝菊，满杯颜色自依依。
——徐铉《九日雨中》

8.
乾坤俯仰，贤愚醉醒，今古兴亡。剑花寒，夜坐归心壮，又是他乡。九
日明朝酒香，一年好景橙黄。龙山上，西风树响，吹老鬓毛霜。——张
可久《满庭芳·客中九日》

9.江涵秋影雁初飞，与客携壶上翠微。——杜牧《九日齐山登高》

10.
天与秋光，转转情伤。探金英、知近重阳。薄衣初试，绿蚁新尝。渐一
番风、一番雨、一番凉。黄昏院落，凄凄惶惶。酒醒时、往事愁肠。那
堪永夜，明月空床。闻砧声捣、蛩声细、漏声长。——李清照《行香子
·天与秋光》

11.
风急天高猿啸哀，渚清沙白鸟飞回。无边落木萧萧下，不尽长江滚滚来
。万里悲秋常作客，百年多病独登台。艰难苦恨繁霜鬓，潦倒新停浊酒
杯。——杜甫《登高》

12.
凤去台空，庭叶下、嫩寒初透。人世上、几番风雨，几番重九。列岫迢
迢供远目，晴空荡荡容长袖。把中年、怀抱更登台，秋知否。天亦老，
山应瘦。时易失，欢难久。到于今惟有，黄花依旧。岁晚凄其诸葛恨，
乾坤只可渊明酒。忆坡头、老菊晚香寒，空搔首。——陈纪《满江红》

13.
蟋蟀期归晚，茱萸节候新。降霜青女月，送酒白衣人。高兴要长寿，卑
栖隔近臣。龙沙即此地，旧俗坐为邻。——杜审言《重九日宴江阴》

14.

降虏意何如，穷荒九月初。三秋异乡节，一纸故人书。对酒情无极，开缄思有馀。感时空寂寞，怀旧几踌躇。雁尽平沙迥，烟销大漠虚。登台南望处，掩泪对双鱼。——白行简《李都尉重阳日得苏属国书》

15.

落帽台边菊半黄，行人惆怅对重阳。荆州一见桓宣武，为趁悲秋入帝乡。——李群玉《重阳日上渚宫杨尚书》

16.

自得休心法，悠然不赋诗。忽逢重九日，无奈菊花枝。——陈与《九日示大圆洪智》

17.

天涯重九。独对黄花酒。醉拈黄花和泪嗅。忆得去年携手。去年同醉流霞。醉中折尽黄花。还是黄花时候，去年人在天涯。——石孝友《清平乐》

18.

九日重阳节，开门有菊花。不知来送酒，若个是陶家。——王勃《九日》

19.

独在异乡为异客，每逢佳节倍思亲。遥知兄弟登高处，遍插茱萸少一人。——王维《九月九日忆山东兄弟》

20.

晚岁登门最不才，萧萧华发映金罍。不堪丞相延东阁，闲伴诸儒老曲台。——苏洵《九日和韩魏公》

21.

无限青山行已尽，回看忽觉远离家。逢高欲饮重阳酒，山菊今朝未有花。——张籍《重阳日至峡道》

22.

关门令尹谁能识，河上仙翁去不回。——崔曙《九日登望仙台呈刘明府容》

23.

琅琅新雨洗湖天，小景六桥边。西风泼眼山如画，有黄花休恨无钱。细看茱萸一笑，诗翁健似常年。——张可久《风入松·九日》

24.

江涵秋影雁初飞，与客携壶上翠微。尘世难逢开口笑，菊花须插满头归。但将酩酊酬佳节，不用登临恨落晖。古往今来只如此，牛山何必独沾衣。——杜牧《九日齐山登高》

25.

上客南台至，重阳此会文。菊芳寒露洗，杯翠夕阳曛。务简人同醉，溪闲鸟自群。府中官最小，唯有孟参军。——严维《九日陪崔郎中北山宴》

26.

九月九日眺山川，归心归望积风烟。他乡共酌金花酒，万里同悲鸿雁天。——卢照邻《九月九日登玄武山》

27.

雨阻龙山会，云荒戏马台。且看黄菊放，休待白衣来。事业书千卷，功名水一杯。登临聊复尔，吟啸漫徘徊。——王冕《漫兴十八》

28.

祝融峰下逢佳节，相对那能不怵神。烟里共寻幽涧菊，樽前俱是异乡人。遥山带日应连越，孤雁来时想别秦。自古登高尽惆怅，茱萸休笑泪盈巾。——廖匡图《九日陪董内召登高》

29.

二九即重阳，天清野菊黄。近来逢此日，多是在他乡。晚色霞千片，秋声雁一行。不能高处望，恐断老人肠。——令狐楚，《九日言怀》

30.

重阳过后，西风渐紧，庭树叶纷纷。朱阑向晓，芙蓉妖艳，特地斗芳新。霜前月下，斜红淡蕊，明媚欲回春。莫将琼萼等闲分。留赠意中人。
——晏殊《少年游·重阳过后》

31.

深秋绝塞谁相忆，木叶萧萧。乡路迢迢。六曲屏山和梦遥。佳时倍惜风光别，不为登高。只觉魂销。南雁归时更寂寥。
——纳兰性德《采桑子·九日》

32.

老去悲秋强自宽，兴来今日尽君欢。羞将短发还吹帽，笑倩旁人为正冠。蓝水远从千涧落，玉山高并两峰寒。明年此会知谁健？醉把茱萸仔细看。
——杜甫《九日蓝田崔氏庄》

33.

重阳未见一枝菊，它日菊开生我愁。高兴亭中香满把，令人北望忆梁州。
——陆游《重九无菊有感》

34.

庭前甘菊移时晚，青蕊重阳不堪摘。明日萧条醉尽醒，残花烂熳开何益？篱边野外多众芳，采撷细琐升中堂。念兹空长大枝叶，结根失所缠风霜。
——杜甫《叹庭前甘菊花》

35.

老去悲秋强自宽，兴来今日尽君欢。羞将短发还吹帽，笑倩旁人为正冠。蓝水远从千涧落，玉山高并雨峰寒。明年此会知谁健？醉把茱萸仔细看。
——杜甫《九日蓝田崔氏庄》

36.

官舍悄，坐到月西斜。永夜角声悲自语，客心愁破正思家。南北各天涯。肠断裂，搔首一长嗟。绮席象床寒玉枕，美人何处醉黄花。和泪捻琵琶。
——汪元量《望江南/忆江南》

37.

北山白云里，隐者自怡悦。相望试登高，心随雁飞灭。愁因薄暮起，兴是清秋发。时见归村人，沙行渡头歇。天边树若荠，江畔洲如月。何当载酒来，共醉重阳节。——孟浩然《秋登兰山寄张五》

38.

夜月楼台，秋香院宇。笑吟吟地人来去。是谁秋到便凄凉？当年宋玉悲如许。随分杯盘，等闲歌舞。问他有甚堪悲处？思量却也有悲时，重阳节近多风雨。——辛弃疾《踏莎行·庚戌中秋后二夕带湖篆冈小酌》

39.

江南秋色满梧桐，回首青山万事空。怕见镜中新白发，长将破帽裹西风。——文天祥《重阳》

40.

出门复入门，两脚但如旧。所向泥活活，思君令人瘦。沉吟坐西轩，饮食错昏昼。寸步曲江头，难为一相就。吁嗟呼苍生，稼穡不可救。安得诛云师，畴能补天漏。大明韬日月，旷野号禽兽。君子强逶迤，小人困驰骤。维南有崇山，恐与川浸溜。是节东篱菊，纷披为谁秀。岑生多新诗，性亦嗜醇酎。采采黄金花，何由满衣袖。——杜甫《九日寄岑参》

41.

萧飒秋声楼上闻，霜风漠漠起阴云。不见携觞王太守，空思落帽孟参军。风吟蟋蟀寒偏急，酒泛茱萸晚易醺。心忆旧山何日见，并将愁泪共纷纷。——权德舆《九日北楼宴集》

42.

摘得菊花携得酒，绕村骑马思悠悠。下邳田地平如掌，何处登高望梓州？——白居易《九日寄行简》

43.

闻道东篱菊已黄，无因移向酒樽旁。西风忽起野烟暮，落叶乱飞山树苍。雁带寒声归渚急，江涵秋水与天长。浮云遮尽登高眼，不许愁人望故乡。——韩翃《九日登鸡鸣山》

44.九日登高处，群山入望赊。——赵时春《原州九日》

45.尘世难逢开口笑，菊花须插满头归。——杜牧《九日齐山登高》

本文链接：<https://duanjuziku.com/duanjuzi/u1o3vj945o.html>